



Lanis structuræ fundamentis linearum perscriptione sufficiéter definitis, proximum est, vt edifferamus qua forma atq; finitione opus attolli conueniat. Primùm igitur quæ crucem exprimit, i.h.k.linea, omnibus distincta punctis muri recti incuruiq; crassitudini, ac arearum, quæ ibi cōcluduntur, latitudini notádæ destinatis, vna cum literarū figuris huc spectantibus mutuata, inferioris cuiuspiam fundamenti vice defungetur, ita applicata, vt i ad frontem spectante, h in medio subsistente, l m. ponè in vnum punctum concurrant. Secundo deinde loco ex h, linea quædam ad perpendicularum excitata in septenos pedes usque assurget, vbi A perscriptum structuræ attollendæ modum & altitudinem definiet. Expedit autem vallum ideo excitari sublimius, vt in imum fossæ alueum demissum ad eam altitudinem consurgat, vt hinc quælibet missilium in hostem vrgentem iactus præbeatur. Vsus igitur postulat ipsum supra urbana mœnia attolli, nisi alia suborta necessitas, maiorem minoremque operi sublimitatem præscribat. Iam ex superioris item fundamenti definitione i h.l.m.linea vna cū omnibus punctis, quibus ab inferiore proximè sibi subiecta distinguitur, mutuata in h sui punto transuersim super a. incubabit. Quibus ita dispositis, ex singulis inferioris trâsluersæ punctis, singulæ lineæ in superioris fundamenti puncta ad amussim ducentur, adeo nimirū vt i super i, h super h, l m super l m exactè applicetur. Hinc enim murorū latitudo ac arearū, quæ ab his cōcludūtur, cōtractiones facile deprehēdūtur. Ceterū in muris recubētibus qua ad latus lineamēto spectādi veniunt, lapides ad cōpares angulos præcisi cōponentur, nō secus atq; d.e.medii murū laterū positus, cōparatus est. Quare in muris extruendis prout plus minusue recumbent, lapides comparibus angulis diligenter, apteque iungendi sunt, vt mutuo subnixu validius confirmentur. Qui sanè lapidum procinctus roboris plurimum muro suppeditat, & ad missilium cōfutationem accommodatus, cū murus subnixu lapidum mutuo sustentatus, ad vim telorum appellentem non facile concedit. In muris rotundis qua frons intuentibus obuertitur, lapides suis lateribus versus k dirigētur, vt cū muris trâsluersis itē cōnixis inorbē coeāt, Atq; hic itē lapides ita cōcinnādi sūt, vt artificiosis cōmodisq; nexibus vicissim impliciti, roboris perpetuitatē polliceātur. Ceterū de huiusmodi lapidū cōcinatione positūq; nihil præcipiendū duximus, quod ex peritis lapicidis cemētariisq; hæc ratio neminē fugiat. Eius quoq; in muro attollendo memineris, vt cūm tormentorum stationes fenestræq; conficiendæ sunt, à paumento in sublime nouem pedes assurgat. Areæ valli supremæ, paumenti aliquid omnino induendū est. Ideoq; vel ingestis passim arenis adēquata, laxiore lapide insterne tur, vt bombardarum boatus ipsi nihil officiat, vel quernis trabibus quadratis ac pedes spatio interposito proximis obducetur, quibus deinde afferes ita clavis affigendi sunt, vt vniuersa contignatio paumentum ad libellam æquatum præferat. Nam nisi bombardarum rotæ locis ad amussim exequatis instant, fiet vt in iaculādo procul à scopo destinato aberretur. Ac præter cæteras cōmoditates paumentum contignum maximè probauero, quod vt validè cō

